

СЫФАТ ДЕРЕДЖЕЛЕРИ

6 сыныф

**Дерснинъ типѣ: къарышыкъ типтеки
дерс**

**Талим чешити: сыныф-дерс
системасы**

ДЕРСНИНЪ МАКЪСАДЫ

Окъутув макъсады: талебелернинъ сыфат акъкъында бильгилерини умумийлештирмек ве текрарламакъ; сыфат дереджелери акъкъында малюмат бермек, нутукъта къулламанмакъны огретмек.

Инкишаф макъсады: талебелернинъ агъзавий ве язма нутукъларыны зенгинлештирмек, инкишаф этмек.

Тербиевий макъсат: тувгъан тильге севги дуйгъуларыны ашламакъ ве сёзге урьмет тербиелемек.

Талим усуллары: сөз усулы,
корьгезме усулы, амелий усулы.

Дерс васталары: дерслик, иш
дефтери, джедвель

I. ТЕШКИЛИЙ КЪЫСЫМ:

- Селямлашув!
- Дерсте олмагъан талебелерни къайд этюв

Нутукъ дакъкъасы: (талебелернен субет)

- Балалар, шимди йылнынъ насыл мевсими?

Къышта табиатта насыл денъишмелер ола? Къыш айларыны айтынъыз.

Вазифе

Сыфатларнынъ манасы	Мисаллер
Предметнинъ <i>тюсю</i>	Мавы, ...
Предметнинъ <i>колеми</i>	Балабан, ...
Предметнинъ <i>дам-лезети</i>	Татлы, ...
Предметнинъ <i>табияты</i>	Мераметли, ...
Предметнинъ <i>алы</i>	Эсли, яш, ...
Предметнинъ <i>ер, вакъыткъа мунасебети</i>	Къышлыкъ, ...

СЫФАТ ДЕРЕДЖЕЛЕРИ

Предметлердеки бир сой аляметни микъдарына коре фаркъ этмесине **сыфат дереджеси** дейлер.

Сыфатлар 3 дереджеде къулланылалар:

1. *Адий дередже.*
2. *Теньештирюв дереджеси.*
3. *Устюнлик дереджеси.*

Предмет аляметини башкъа предметтеки шу аляметке
тенъештирмейип, догърудан-догъру ифаделейиджи сыфатларгъа
адий дередже дейлер.

Меселя: *яхшы* (шеэр), *акъыллы* (бала), *балабан* (эв).

Бир предметнинъ алямети башкъа предметнинъ шу аляметине
коре арткъачлыгъыны я да эксиклигини косьтерген сыфат
шекилине **тенъештирюв дереджеси** дейлер.

Меселя: Зеранынъ антери Алименинъ антеринден *яньыджадыр*.

Сыфатларнынъ тенъештирюв дереджеси **-джа, -дже, -ча, -че**
ялгъамалары вастасынен япыла.

Бир предметнинъ алямети башкъа предметнинъ шу сой аляметине коре энъ чокъ олгъанлыгъыны косьтерген сыфат шекиллерине **устюнлик дереджеси** дейлер.

Устюнлик дереджеси сыфат огюне *энъ, эписинден* сёзлери къоюлувынен япылыр.

Меселя: *Энъ агъыр кунъ, эписинден кучьлю.*

Адий дередже

яхшы

балабан

терен

юваш

буюк

Теньештирюв дереджеси

яхшыджа

балабанджа

терендже

ювашча

буюкче

Устюнлик дереджеси

энь, эписинден яхшы

энь, эписинден балабан

энь, эписинден терен

энь, эписинден юваш

энь, эписинден буюк

Вазифе

*Яхшы, энъ къыскъа, йымшакъча, темиз,
алчакъча, энъ енгиль, ешилъдже, энъ меракълы,
фукъаре, къавийдже, энъ буюк, узун, мавыджа,
энъ юксек, агъыр, янъыджа, беяз*

Вазифе

Сыфатларны тапынъыз ве насыл дереджеде
къулланылгъанларыны айтынъыз.

1. Язнынъ энъ сыджакъ вакътында биле оларнынъ омузларында
без къар чаршафыны корьмек мумкюн ола. *(Сабри Асанов)*
2. Сув азджа кетер. Явашча акъар. Бу ерге кече келир. *(Сабрие
Эреджепова)*
3. Бу кедерли хабер шу куню Ватанымызнынъ энъ узакъ кошелерине
барып етти *(Юсуф Болат)*
4. Керчектен де сылакъча къар ягъа, пек япыша чыплакъ тенге
(Абдуреим- Шейх-заде)
5. Имтиан куньлери, къолунда гульдестесинен, узунджа бойлу,
эсмери кельген бир йигит эр даим Эминени институт алдында
беклер эди. *(Амет Мефаев)*

ЭВ ВАЗИФЕСИ

Сыфат акъкъында къаиделерни, сыфат дереджелерини текрарламакъ. Диктант язувына азырланмакъ ве ашагъыдаки вазифени япмакъ.

Вазифе

Сыфатларны тенъештирюв, устюнлик дереджеде язмакъ: балабан, терен, узун, яваш, татлы, темиз, буюк, сыджакъ, янъы.